

鳳臺縣志卷之十一

列女

焦莊妻王氏夫歿無子惟孤女二人日夕牽衣膝下氏甘心守節撫育二女以終其身有叔失恃賴氏乳以成宗黨賢之守節六十一載享年八十有八

王肇元妻劉氏年二十有七夫亡長子始五歲次子生甫一月姑老起居不能自如氏養老撫幼不遺餘力子今章采章相繼入泮苦節四十一年令給扁旌獎

廩生姚安中妻陳氏增生姚景崇母原任冀南道姚恭子

鳳臺縣志

卷之十一

列女

一

婦也遭流寇變遂家於澤州無何安中病亡氏年二十七方有娠後生子景崇家徒壁立藉十指教養景崇人庠復以夭折孤孫甫三歲穉小伶仃媳張氏時年二十六歲婦姑相依勞心撫孤可稱姚門二節

徐蘊妻宋氏夫亡年二十三遺孤甫二歲氏撫育成立以慈代嚴守節三十年五十三而卒

張眉繼妻史氏夫亡遺子振居方四歲家貧衣食常不繼氏躬親紡績具甘旨以奉姑守節三十餘年內外稱其

賢德

王廷棟妻李氏年十九夫亡無子女家無長物惟藉山田數畝終日把長鑿躬耕隴畔衣食粗足歲時往祭夫墓苦節五十年而卒

梁栩妻劉氏二十八歲夫亡遺子方八齡氏煢煢孤嫠茹荼飲蘖養孤成立從叔之子兆金生數月其母忽喪氏撫育教養亦克有成

張嗣徽妻李氏夫亡年二十有四子啟始週歲氏甘貧守節饘粥不繼日夜操作以撫育孤子歷三十餘年如一日

鳳臺縣志

卷之十一

列女

二

李乾亨妻王氏夫亡年二十一姑老子幼事姑克盡孝敬育子成立守節四十二載卒年六十有三

時彩鳳妻申氏年二十四夫亡姑老子幼氏事上撫下胥盡其道守節四十一年卒享年六十有七

國學生陳述元妻郭氏夫歿時年十八貞靜自持守節三十八年而卒

馬錫城妻趙氏年二十夫亡遺孤方週歲家貧氏以紡績爲生終身拮据撫遺孤成立苦節三十餘載

李彬妻王氏年十七而夫亡遺子迪生甫數月氏含哺顧

復形影相憐卒能成立苦節五十餘年州守屢加旌表  
董文正妻成氏于歸未二載夫亡無子女氏勉力爲殮具  
殮畢縊死柩傍伯氏哀其烈以幼子後之

崔嘉福妻朱氏夫亡孤子秉燹尙幼朱善持家政親爲經  
營守夫遺業教子以等高行優貢明經官天鎮縣儒學  
訓導守節二十八載以疾終

張憲妻劉氏夫亡年二十三孤藐伶仃家無儲蓄氏艱辛  
况瘁卒撫其遺孤報夫地下鄉黨稱之守節三十餘載  
孝子孔興晉繼妻晉氏年十六于歸十八夫喪遺子甫二

鳳臺縣志

卷之十一

列女

三

歲力勤織紝沒齒自甘苦節三十六載

鍾成方妻王氏夫亡年二十三生兒甫六月氏痛不欲生  
念姑老無依日勤紡績以孝養其姑教子亦循循有法  
守節四十載

張宣宜妻李氏夫亡年十九方有娠乃剪髮自誓旣而生  
子事舅姑以孝撫孤成立苦節三十餘載

楊懋妻牛氏懋死年二十無子女立從子以承夫祀事舅  
姑曲盡婦道撫嗣子以慈凡飲食衣服察其寒温而更  
易之又以時教其不逮苦節凡三十餘年而卒

錢養年妻尚氏夫亡年十七無子女兄嫂亦一時並喪孤姪煢煢無所依氏繼以爲嗣又撫姪以承伯氏宗一嫠婦支門戶兩宗均賴以不泯族黨賢之

王遷妻郜氏年二十家貧夫死無以爲殮乃典嫁時服飾殯葬其夫躬自紡績養老姑撫穉子歷四十餘年姑以壽終子復生子焉

段袞妻王氏夫亡氏年十八事姑盡孝撫子成立年八十以壽終

段兆鳳妻袁氏年二十四而夫歿袁日夜號泣葬夫歸卽

鳳臺縣志

卷之十一

列女

四

自縊於室州守嘉其節烈表而旌之

董選元妻李氏夫亡年二十七無子殯夫後自縊死州守洪旌其門

宋喬妻董氏年二十五夫歿遺子玠始五齡氏撫摩鞠育教孤有成守節六十一載玠妻董氏姑董氏之姪女也玠亡氏年二十二亦苦節三十三年姑姪後先守義閭黨稱賢

趙廷士妻盧氏夫亡年二十九姑老盧善孝養奉姑命惟謹遺子八齡視其寒暄時其飲食輔導而成立之守節

五十七年以壽終

董光佑妻王氏年二十五夫亡遺子方四歲翁姑在堂氏日夜紡績俯仰衣食均藉以不匱孀居五十一年壽七十六無疾而終

生員張維翰妻岳氏年十八喪夫無子氏繼姪爲嗣姪甫週歲氏撫育勤勞愛如己子孝養翁姑婦道無缺苦節三十二載年五十而卒

姬鏗妻李氏年二十七夫亡長子甫二歲次子週歲氏教育孤兒寬嚴中節期於有成後子夢彪入泮苦節二十

鳳臺縣志

卷之十一

列女

五

載而卒

段貴色妻李氏夫亡年三十二長子方六歲次子生甫七月堂上翁姑已垂白李事上撫下無餘憾守節四十四年

陳曉妻吳氏夫亡年二十五家貧姑老子甫數歲氏終日營心紡績入夜常參半不寐以供俯仰今七十六歲子孫俱成立守節五十二年

門克慎妻董氏年二十一夫亡翁姑年老遺子襁褓紡績勤勞俯仰各有所藉孀居三十餘載

監生崔廣名繼妻韓氏年二十三夫客死二子復夭殤  
姑亦以哀痛歿氏方有娠典衣鬻釵以襄喪葬繼生一  
女撫姪爲夫後長爲婚娶女亦擇配儒族嗣子椎魯氏  
傭女紅市簪珥爲生計現守節三十年

庠生李丙火妻宋氏年二十六夫歿堂無翁姑依伯氏以  
居氏親操井臼作苦不倦舉家欽其賢越數年嗣伯氏  
子爲夫後飲食教育使力於學子亦體母志朝夕勤學  
又以勞瘵卒氏與寡媳相依爲命苦節已三十餘年

曹世傑妻郃氏年二十七而寡遺子甫六歲繼姑虐遇之

鳳臺縣志

卷之十一

列女

六

幾無以自存氏篤孝終始無間子年二十四客死他方  
媳門氏二十七歲遺孤嘉祥生甫三月族人念其兩世  
孤寡無依微叩其志門氏曰姑少年誓死守志備極辛  
苦望子之成立也今子已亡此呱呱者孀姑所望以承  
宗祀氏若改操姑不能生矣寒苦相依數十年如一日  
計郃氏守節已四十餘年門氏已二十年

董世榮妻杜氏年二十五而寡遺腹生男上有孀姑苦志  
奉親育子備歷艱辛前令賜以匾曰寒松晚歲現守節

三十七年

溫振妻王氏振亡遺孤方一歲氏保抱攜持視其成立與  
庶姑同居終老守節已三十三年

李培資妻曲氏二十五歲而夫亡長子八歲次子方三歲  
氏爲延師教誨奉舅姑以孝獨持門戶四十餘年以勤  
儉自持復以所餘周給孤貧閭黨賢之

薛坤妻盧氏夫亡年二十三孤子始五歲氏孝養翁姑撫  
育子女各盡心力守節三十餘年

知縣張勳知妾侯氏張解組歸中途忽故遺子驢方五歲  
氏時年二十五窮途無資乃典質衣釵得挈子扶匱歸

鳳臺縣志

卷之十一

列女

七

里事老姑朝夕問起居進食飲教子誦詩書名列成均  
不幸子復亡又撫孫成立守節五十三年

蔡紹元妻秦氏紹元貿易楚中歿於旅舍氏年二十三遺  
三歲孤煥文氏日勤鍼黹以孝養老姑煥文幼時氏口  
授以書督課不倦年五十七而終守節三十五載

原時道妻江氏二十五歲夫亡遺孤方四齡家貧辛苦力  
作撫子有成守節七十二年壽九十六歲

段克恭妻王氏夫勇於問學以疾賫志而歿時氏年二十  
八奉舅姑生事死葬胥以禮教子勤讀父書慰夫地下

守節三十二載

姚治國繼妻王氏夫亡年十九孀姑已老前室所生子祇四歲王氏日勤女工爲俯仰資姑病卧床第十餘年氏晝夜扶護不少懈撫前室子如己子後孤成長食力他鄉諸孫力田以謀生理氏年僅五十四齒落日昏形容柘槁如八九十歲人拮据勞瘁守節三十年

王君顯妻崔氏年十八歸于王閱三載夫亡亡後月餘生遺腹子鈞自提孩至成立備極顧復經營稼穡奉養舅姑生養死葬借以成禮今年六十四歲

鳳臺縣志

卷之十一

列女

八

韓開泰妻薛氏年二十七夫亡姑老子幼家故貧氏宵旦勤紡績以奉旨甘督子文明力學早歲遊庠亡何子復喪又撫孫成立時年七十八歲

王倬妻武氏事舅姑以孝聞年二十四喪夫無子以姪承祀苦節自貞守志六十載

郭鎮都妻溫氏夫瞽目以卜資生康熙乙丑正月鎮都賣卜鄉鎮過水北村失足墮池中溺死氏時年二十六念姑老子幼無從得食辛勤十指又乞母家時給米薪越六年庚午旱明年辛未復蝗里人多不聊生姑憐其苦

託所親喻以他適温泣曰我卽餓死志不可易州守表其閭守節近六十年

王永珍妻劉氏夫貿易江南客死宿州劉氏時年二十有三子義順纔一歲家貧日勤機杼爲生計撫孤稍長教以讀書後學岐黃義順遂以醫行於時康熙戊戌奉父柩旋里歸葬守節二十七載以病終

張可裕妻楊氏年十七于歸越六載而夫喪時翁姑俱衰老子維鷓尚在襁褓氏親操井春躬紡績事上撫下守節已三十餘載

鳳臺縣志

卷之十一

列女

九

楊世美繼妻段氏年十九歸於楊家奇窮將順其夫待前妻子圻如已出讀書入庠自生三子皆幼穉未幾夫喪時氏年二十九圻窮苦莫支氏不欲復以苦累前子乃晝夜紡織撫三子皆有成及長各爲娶婦年七十三而卒

陳文貞相國記女奴景氏事載藝文

李森甲妻李氏年十七許字於李親迎有期而夫病垂危巫者言成婚則病愈迨于歸不能行合巹禮未及廟見夫遽亡苦志堅貞孝事翁姑生養死葬皆以禮撫姪爲

嗣復以歿殤家計蕭索子然一身依母家以十指糊口  
白首全貞苦節三十八年前令繆其吉表其門曰冰雪  
松筠

梁敬妻孔氏年十七歸於梁越三載梁薄游廣西不歸至  
氏二十八歲梁歿於廣翁亦繼亡氏與孀姑相依爲命  
旅櫬遠歸囊無長物竭力孝養擇嗣承夫宗祀守節二  
十四年

原瑛妻岳氏年二十一而夫亡翁姑年邁遺孤甫週歲辛  
勤撫育上奉雙親教子讀書成人守節二十九年

鳳臺縣志

卷之十一

列女

十

王益公繼妻朱氏年十七于歸奉翁姑以孝愛前妻子逾  
於所生至二十九歲而夫亡長子死次子病廢幼甫在  
襁褓氏矢志存孤日夜勤紡績衣鶉茹荼鞠子成立守  
節五十年前太守劉開燾旌其門

韓廷棟妾王氏韓嫡室病故納王爲妾年二十九歲而棟  
亡子稚女幼家素貧氏辛勤撫育成人授室未幾子婦  
俱死復撫其二齡弱息艱苦備嘗俾之成人守節近四  
十年

廣西同知陳師儉妻衛氏年十九于歸師儉隨任於署師

儉督餉軍前染瘴身故氏護喪歸里矢志守貧勤紡織  
奉親教子翁姑先後病歿氏代夫服斬衰凡六年子中  
道夭折與婦雙寡相依二歲弱孫育之成立守節四十  
三年氏知書能詩嘗有歲寒訓子絕句人多誦之

李德謙妻范氏年二十而夫亡苦節自貞現守志四十二  
年

常勲妻王氏年十九于歸於勲時翁姑早歿依兄嫂同居  
至年二十四因夫亡無子欲以身殉族人爲立嗣承祧  
撫養成人守節四十四年

鳳臺縣志

卷之十一

列女

十一

王起妻李氏年二十九而夫亡遺子穉幼翁姑在堂氏事  
上育下艱辛備歷守節四十八年前縣羅著藻額以旌  
之

董緝先妻郭氏年二十而夫亡苦志守貞上奉翁姑生事  
死葬胥以禮繼姪以承夫嗣守節四十四年前縣沈榮  
昌以匾旌之

范門雙節一爲和恒繼妻張氏年二十七夫亡事翁姑克  
盡其孝欲立嗣承祧族中無可繼者不得已立內姪爲  
後氏躬親撫養俾能有成守節三十六年卒鄉先生多

以詩輓之一爲武舉廷繼妻牛氏年十七歸廷閱一歲而廷雙目瞽氏左右扶持之生子時植方四齡而廷亡氏苦志撫孤教以讀書入泮守節六十一年學憲以額旌其間

州同毛廣業妻李氏年三十而夫亡事親育子以苦節稱前令錢汝霖旌之曰節著松筠

侯門二節一爲帝擢繼妻劉氏一爲帝掞繼妻苗氏俱以中年夫亡苦心守志劉則嗣子爲後苗則育其所生育借紡織爲活計艱難備嘗守節皆如例前令沈榮昌以

鳳臺縣志

卷之十一

列女

十二

雙柏凌寒旌其門

王式範妻楊氏年三十而夫亡姑病子幼氏仰事俯育胥得其道守節五十二年學使者旌以額

茹肇基妻苗氏年二十一而夫亡遺孤甫三月苦志撫育經營兩世喪葬安厝瑩次教其子卒能成立守節六十年前令沈榮昌以匾旌之

贈都事馮瀛妻韓氏年二十九而夫亡遺二子尙穉弱辛勤撫育延師訓讀親爲督責以驗勤惰皆蚤年入庠知名於時次子豫亨以議叙歷官河南布政司都事咸有

清惠聲皆氏之教也守節二十四年前守朱樟旌其門  
李時夏妻趙氏年二十八歲而夫亡遺四子俱幼氏立志  
堅守以撫育之家素貧氏親操井臼勤紡績教之讀書  
俾四子皆有成立守節二十八年前令羅著藻匾其門  
曰志乘所遺

趙人文妻李氏年二十五夫亡遺孤六歲翁姑年老氏茹  
荼奉親撫孤成人守節四十二年前令額其門曰松柏  
同貞

張焄妻李氏年二十六夫亡子幼翁姑俱高年姑病卧床

鳳臺縣志

卷之十一

列女

十三

褥奉侍惟勤教子以義方守節四十一年前學使者蔣  
元益以松筠同操旌其門

張全祿妻賈氏年二十七而夫亡遺子七歲食貧撫孤苦  
節彌堅守節五十二年前令以匾旌之

王于泌妻宋氏年十九夫亡無子堅心苦守奉養翁姑與  
伯氏同居家素貧以針黹添助薪水伯亡代育諸猶子  
守節五十四年前學使者以金石一心額表其家

司政妻張氏年二十七夫亡遺孤甫三齡上有孀姑衰老  
多病氏事上慈下曲盡其道守節三十八年前令沈榮

以竹柏垂青旌之

李潤秀妻劉氏年二十九而夫亡遺子女四家貧無以給其姑乃躬親磨麵日獲錢若干以爲生計俯仰胥有所資守節四十九年郡守姚學瑛表其門曰姜孟貽徽生員賀鳳岐母王氏年二十而寡子甫週歲上有翁姑氏養親教子入庠前提學給匾額曰芳徽裕後現守節五十年

王極妻梁氏生員王大烈妻楊氏楊氏梁之姪婦也俱以青年守志撫孤成人梁守節四十七年楊守節四十八

鳳臺縣志

卷之十一

列女

十四

年前令沈榮昌以匾旌之

張追騏繼妻李氏年十七夫亡無子立姪爲嗣嗣子中年短折撫三孫成立守節五十九年卒前學使者以額旌其門

生員馬其驥妻董氏中年夫亡無子撫姪成人貧苦自甘守節三十二年前令繆其吉旌之曰義埒共姜

劉鷄妻張氏年二十夫亡家貧無子姑憐其少欲改嫁之氏矢志奉姑生事死葬胥以禮抱夫兄超女爲女撫之如己出長爲擇婿以嫁復立姪爲後氏多方督訓不恤

人言委曲教之成立守節四十年教授王雯表其門曰  
德並陶歐

王國璽妻申氏與子珠婦宋氏申年二十夫亡撫子珠亡  
時妻宋二十六歲撫孤存義姑媳鞠育人娶妻李生  
子鳳鳴而存義又亡李殉烈別有傳兩世孀姑共育其  
孤現已從師讀書有聲申守節六十一年宋守節四十  
一年羣稱曰一門三節烈

王洪彰妻王氏年二十八夫亡撫孤守節四十二年前提  
學匾其門曰冰霜自持

鳳臺縣志

卷之十一

列女

十五

秦廷霞妻李氏年二十五夫故遺子在襁褓氏苦志守節  
時夫弟夫婦相繼歿亦遺子重氏引爲己責并鞠育之  
而已子殤氏慟欲自死重牽衣而泣氏忍淚言曰秦氏  
兩門惟爾一綫吾死爾何以爲生吾今不死矣遂姆姪  
相依爲命亦事之如母爲重娶妻生子守節五十三年  
前郡守旌獎之

段逢源妻魏氏年二十夫亡事親以孝繼子承祀守節五  
十二年提學蔣元益表其門曰松筠晚翠

生員崔鳴珂妻劉氏年二十二夫亡無子誓以死殉翁姑

泣諭之曰吾二人皆年近七旬爾若死吾與俱死矣氏素明大義感其言遂竭力奉養皆以壽終喪葬如禮守節五十五年前守劉旌其門曰桂品薑心

郟燹忠妻張氏年二十夫故遺二子皆幼小氏甘貧守節辛勤撫育俾能成立事孀姑克全孝養守節三十五年  
前令沈榮昌給以匾曰節孝嗣徽氏姑郭亦節婦別有傳

晉天倫妻劉氏年二十六歲夫亡無子家貧如洗以女工度日奉翁姑必以甘旨而藜藿自茹堅貞不渝守節六

鳳臺縣志

卷之十一

列女

十六

十三年前學使以匾旌之

黃張氏失其夫各青年早寡撫孤守志苦節六十二年郡守姚學瑛旌其門曰媀婺縈輝

彭雲龍母宋氏年二十七而夫亡遺子尚在襁褓氏立志苦守辛勤撫養及長使從師讀書入庠守節六十年前令沈榮昌給以匾額

申士端妻王氏年二十夫歿氏欲以死殉念方有娠不忍絕夫嗣且舅姑已老忍死相依有語及改適者乃剪髮自誓後果生男辛勤撫育家故貧日用多取給於紡績

及子已成立病危不肯服醫藥曰吾死已晚矣遂卒計守節二十三年前令旌以額曰巾幗程嬰不愧也

李勲妻趙氏年二十六夫故家貧子幼而翁姑衰老辛勤紡績爲養親育子日用計守節五十八載前令繆其吉以節堅壽永旌之

王洪妻尚氏年二十六而寡氏上奉翁姑撫育二子家貧以紡績爲生計卒能教子有成守節四十餘年前令沈榮昌表其門曰風高黃鵠

趙福謙妻時氏年十九歸趙趙素貧孀姑抱危症氏典衣

鳳臺縣志

卷之十一

列女

十七

飾奉湯藥姑死無以爲殮變其宅以葬姑僦屋而居以十指爲糊口資無何夫又亡竭力葬夫家愈貧往依母家手指所積爲子娶婦生孫而辛苦備甚兩目幾失明嘗並日一食鶉衣百結見者莫不酸楚乾隆四十四年歲饑氏舉家染於疫氏悲慟而絕計守節二十三年前提學以節並松筠賜之額

郭桂寰妻任氏年二十六夫亡子幼至貧不能自存念故夫存日習金行生理託所親謀於金行取捶金至家殫心經營成其業計每日所得工值足可資生諸子相次

成立守節五十三年前縣以幽貞必發表其門

司產鼎妻龐氏年二十一夫亡撫八月孤成立娶室生孫  
入庠現守節五十七年郡守姚學瑛以鶴年松操表之  
增生聶鴻謨繼妻趙氏年十九夫亡事姑無二歲幼子成  
立守節三十五年前學政以節厲貞松表之

宋寓妻牛氏年十八于歸越二載生一女寓以家貧趁

他方氏孝奉翁姑養生送死皆氏自爲經理而寓卒

音耗現守節四十九年

張效騫妻曹氏年二十夫亡孝事孀姑守節四十七年郡

鳳臺縣志

卷之十一

列女

十八

守姚學瑛以匾旌之

都垣繼妻牛氏年二十九夫亡家貧子幼撫養成立守節  
三十一年前守以節著慈昭旌之

崔子珍妻姚氏二十四而寡奉姑撫幼守節三十四年前  
令旌其門

生員趙春妻張氏年二十九夫亡守志養姑撫孤苦節自  
貞守節五十三年前令以孝德貞心贈之額

蔡馨妻侯氏年十七于歸馨二十三而夫亡遺孤甫八月  
氏誓志守節辛勤撫育俾之成人現守節四十一年

李廣文妻王氏年十五夫亡無子苦志堅守上奉翁姑爲夫立祀承祧稱未亡人二十餘年以疾歿前令以玉節冰操旌之

周纘堯妻宋氏年二十九而夫亡家貧立志貞守勤紡績以事翁姑養生送死胥以禮守節四十一年前令陳詩匾其門曰節孝維風

段仁妻徐氏年十九夫亡苦志自勵孝奉翁姑撫姪爲子守節三十三年前令繆其吉以匾旌之

生員原汝楫妻張氏年二十六夫亡家貧無子上有兩世

鳳臺縣志

卷之十一

列女

十九

孀姑以針黹爲活計竭力供奉嗣子爲夫立後守節四十九年前令以玉質冰操表門閭

張揚妻苗氏年二十九夫亡堅心自守善事翁姑撫子成立守節四十二年提學旌其門

韓廷柱妻蘓氏年三十而夫亡家貧苦守撫孤成立娶妻生孫孫又生子孫亡後鞠養曾孫艱苦備嘗守節五十九年前守朱樟旌之

王廷妾馬氏年二十八而廷亡遺子甫週歲家人欲奪其志氏誓死不從與子相依爲命卒能教子成人入庠有

聲前令沈榮昌旌其門

劉爾勰妻時氏年十九夫亡無子矢志奉養翁姑生事死葬盡力拮据守節三十三年前署令以匾旌之

楊增義妻姚氏年十八歸於姚爲繼姑所虐逼使析箸夫以負債逃於外氏依鄰嫗以居自食其力氏故強壯能舉粗重爲人傭田間工作每得值輒敬奉翁姑代操井臼日以爲常未幾姑感悟收與同爨翁患癱姑亦雙瞽動輒需人氏一力扶持夏則負以納涼冬則攜之就煖凡飲食起居以及便溺諸事刻不能離氏小心奉侍而

鳳臺縣志

卷之十一

列女

二十

耕田炊飯胥無誤俄而姑亡翁病愈劇奉養十餘年從無怨言後翁將死自備一棺氏嫌其薄惡欲典田別市美木翁不從曰薄產祇數畝若盡行典去汝何以爲生氏曰兒以耕作爲活計無煩老人掛念也及翁歿竭力喪葬罄其產或有稱其賢孝者氏曰鄉愚人祇知子婦分應如是不知何爲賢孝也又數年氏拮据農織家漸裕盡贖其所典田畝乃遣人遠出訪其夫卒無音問現年六十五歲距夫出亡時已四十一年鄉人高其行公以賢孝表其閭

張守道妻靳氏青年喪夫矢志以養親教子爲己任舅姑先後去世竭力喪葬備極艱苦年八十卒守節五十八年提學匾其門曰節壽崢嶸

焦棟妻段氏年二十二而寡親老子幼立志堅守撫子成立苦節三十六年提學劉種之賜以額曰節勵松筠

張子斌妻于氏年十九歸於張生四子適夫貿易河南客死汝州氏携子親至其地扶櫬歸葬撫孤成立守節四十五年前令以冰霜節操表之

賀茂妻郭氏年二十三夫亡子幼苦志撫育值夫弟夫婦

鳳臺縣志

卷之十一

列女

二二

偕亡并養其孤姪成立現守節四十七年前縣余丙以  
徽嗣柏舟旌之

陳門二節陳謐妻苗氏弟詒妻白氏年二十四夫亡無子誓以死殉翁姑婉諭之曰汝死則夫無後得汝伯生子先與承祧氏最孝聞其言遂立志苦守未幾伯謐亦亡妻苗氏二十八歲亦無子因翁姑在堂弟婦孀居兩氏同心秉貞上事翁姑日夜勤紡績歷艱辛擇族中子各一人爲嗣授室生孫而兩嗣忽夭則各撫遺孫恩勤劬育與寡媳相依爲命愛如己女家門親睦里黨稱賢苗

守節四十五年白守節五十八年縣令林荔表其門曰  
松柏堅貞

蔡桓妻崔氏年二十九夫亡子幼上有孀姑氏矢志堅守  
奉姑教子現苦節五十五年前守旌其門曰冰雪自持  
侯熠妻馬氏年二十夫亡遺孤歿繼嗣守節二十八年前  
提學以貞徽垂範旌之

李鍊庫妻秦氏年十九于歸越三月夫亡誓以身殉慟絕  
復甦翁姑晝夜防範諭以姒方有娠生子可繼爲夫後  
已而姒生女五年不復孕育氏仰天泣曰是天不欲吾

鳳臺縣志

卷之十一

列女

一三一

夫有後也吾何以生爲遂絕粒七日而死事聞於縣爲  
詳請旌表格於例不行令爲表其門曰貞心萬古

杜之璉妻安氏年及笄歸於杜杜客死樊城旅邸氏甫二  
十四聞訃欲死因子在襁褓翁姑衰老矢志守貞備歷  
諸艱事親育子曲盡其道守節三十八年而卒

王尙猷妻張氏年二十七夫亡子幼上有翁姑立志苦守  
親井曰勤紡績上事雙親下撫孤子成立守節三十一  
年

王爾藩妻曲氏年二十五夫亡無子祇遺一女上有兩世

孀姑族人或諷以改適曰女子從一而終吾在卽夫在  
吾當代夫孝養兩世姑也遂矢志不移以紡績餘資奉  
兩姑甘旨教女以待其嫁兩姑歿喪葬皆以禮守節四  
十四年

林廷佐妻任氏年十九夫亡無子上奉翁姑擇可嗣者爲  
夫立後翁姑歿喪葬皆如禮守節四十一年

司立中妻秦氏年十八夫亡家貧子幼矢志撫孤成人娶  
妻生孫而妻亡氏代撫之教以讀書入庠守節三十九  
年

鳳臺縣志

卷之十一

列女

一三三

郜作常妻李氏年十九夫亡無子爲夫擇賢立嗣上奉舅  
姑生事死葬胥無憾家貧苦守率以針黹爲生計守節  
五十年

李殿妻董氏年二十八夫亡無子矢志苦守族中無可繼  
者爲胞姪娶妻生孫撫養成人守節五十年

王振世妻吳氏年一十九夫亡子幼上有孀姑苦心守志  
仰事俯給備歷艱辛守節四十六年

侯煜妻苗氏年二十九夫亡遺孤皆幼家素貧茹荼自守  
撫育三子成立苦節五十一年

尙保富妻李氏年二十一夫亡子生甫週上有翁姑家故  
貧氏厲志堅貞孝奉雙親生養死葬多如禮撫孤成人  
守節五十九年

牛宏毅妻李氏夫亡守志事上育下苦節四十七年

張門二節張洪義妻祁氏年二十三夫亡遺子正泰方週  
歲家徒壁立採野菜爲食日用薪水皆取給於十指積  
針黹餘資爲子婚娶段氏數年而子夭亡段時年二十  
八歲遺孤在襁褓姑媳相依爲命寒夜共績冷竈同炊  
卒撫孤成人祁守節五十八年段守節四十二年

鳳臺縣志

卷之十一

列女

一四

宋儒言妻陳氏年二十六夫亡遺子五歲家無立錐日多  
枵腹携子採苦荼爲食以紡織所績爲子娶妻生孫入  
庠一生艱苦備嘗守節四十九年

監生金七政妻裴氏年二十五夫亡苦志撫子得戊成立  
中壬午舉人守節四十五年

李思通妻張氏年二十夫亡子幼立志撫孤備歷艱難守  
節四十六年

奉錦章妻司氏年二十六夫亡無子遺二女上有翁姑氏  
矢志守貞奉養高堂教二女以待其嫁守節三十一年

以姪永翰爲後

姚瀚妻許氏年二十二夫亡遺孤三歲上無翁姑兩夫弟皆客居西江氏堅貞自守撫子成立守節三十二年前郡守旌其門

廩生金四寧繼妻宋氏年二十四而寡撫孤教育苦節四十二年

監生趙觀孚妻王氏年二十五夫亡無子立姪爲嗣逾年亦殤翁復病歿乃罄所有以營喪葬前令沈榮昌以淚竹清香旌之

鳳臺縣志

卷之十一

列女

一五

武生崔步雲母孫氏年二十夫亡遺子二歲上有衰翁氏茹苦奉親撫孤成立守節四十二年

董其文妻郭氏年十九而寡矢志苦守孝奉翁姑繼堂姪爲嗣教之成立現守節四十一年

陳廷柱妻張氏年十九而寡遺腹生子矢志堅貞孝養孀姑歿後喪葬如禮撫孤娶妻生孫而子夫婦忽相繼亡幼孫亦殤窮苦無依艱辛備嘗守節五十年

魏玉美妻馬氏年二十三而寡子在襁褓上有孀姑氏事親撫孤娶妻生孫子亡又撫孤孫成立守節五十年

呂瑞昌妻鍾氏年二十八夫亡子幼上有繼姑遭家多故  
氏矢志堅貞奉親以孝教子入庠長子早歿復與媳共  
守撫孫成立守節五十三年

段蕙妻孫氏年二十二夫客江南亡於旅舍遺孤三歲撫  
育成立現守節三十九年

王魁甲妻曲氏年二十五而寡家貧子生未週歲氏依母  
家撫子成立現守節三十七年

王永承妻石氏年二十八而寡撫孤成人現守節三十四  
年

鳳臺縣志

卷之十一

列女

一六

張永淑妻聶氏年十八夫亡矢志奉孀姑繼姪承夫祀並  
爲夫弟撫養孤子女艱苦備嘗現守節三十二年詳請

建坊旌表

王可明妻梁氏年二十八夫亡事翁姑撫幼子成立現守  
節三十八年

宋安民母馬氏年二十九夫亡撫孤成立守節四十六年

馬有仁妻宋氏年二十九夫亡繼子衍嗣苦節三十六年

蔡崑崙妻陳氏年二十三而寡繼子承祧守節三十八年

朱天才妻李氏年二十七喪夫上事孀姑撫子成人現守

節四十一年

李觀妻祁氏年二十五夫亡事孀姑撫子成人守節三十六年

范門二節范玉美妻張氏子耄祥妻王氏張年二十六歲夫亡守節四十三年王年二十五歲夫亡守節四十二年

王廷佑妻劉氏年二十九夫亡撫孤守節四十六年

庠生張愿妻李氏年二十八夫亡上有翁姑遺二子俱幼氏事上育下胥得其宜後爲子授室生孫子復客死於

鳳臺縣志

卷之十一

列女

二七

外又撫孤孫讀書入庠守節四十五年

焦文楚妻陳氏年二十五夫亡事翁姑撫幼子成立苦節三十四年

白世恒妻蘇氏年十九夫亡無子奉養孀姑現守節三十六年

崔廷祥妻申氏年二十七夫亡撫孤成人娶妻生孫子客死孫亦夭殤子婦改適復繼遠族爲後現守節四十八年

翟天標妻張氏年十九夫亡事翁以孝現守節四十八年

李白明妻師氏年二十七夫亡孝養孀姑繼姪爲嗣守節五十年

董漢香妻徐氏年二十夫亡撫幼子成人守節五十年

董漢賢妻李氏年二十三夫亡事姑鞠子現守節四十年

任天和妻靳氏年二十七夫亡現守節三十四年

段長寧妻申氏年二十八夫亡奉姑鞠子現守節三十八年

李璧妻李氏年二十七夫亡事姑教子現守節三十年

王大訓妻李氏年十九夫亡無子孝事翁姑現守節四十年

鳳臺縣志

卷之十一

列女

二八

六年

趙均妻崔氏年二十三夫亡守志撫孤現苦節三十二年

均姪秉義妻李氏年二十夫死於客邸親老子幼氏勵

志操守現守節三十年時稱一門雙節

申道生妻范氏年二十二夫亡子幼矢志守孤現守節三

十九年

車偉妻霍氏年二十五夫亡事親撫孤現守節四十年

李霈儀妻司氏年二十四夫亡奉姑教子守節四十年

王懿妾劉氏年二十八夫亡撫孤守志苦節三十年

馬臨泉妻任氏年十七夫亡遺腹生子撫養成立守節四  
十三年

姚世福妻宋氏年二十夫亡孝事孀姑三十載喪葬以禮  
教子成人現守節四十年

李文湛妻關氏年二十八而寡事姑撫幼苦節五十四年  
王汝楫妻張氏年十八夫亡奉養孀姑姑病癱朝夕扶掖  
進湯藥喪葬胥以禮繼姪爲嗣苦節三十六年

原之秀妻任氏年二十九夫亡奉姑撫子守節三十一年  
李中懿妻馬氏年二十八夫亡撫孤守志苦節五十九年

鳳臺縣志

卷之十一

列女

一九

成世位妻司氏年二十歲而寡矢志苦守三十七年知縣  
林荔以節操維風旌之

崔子實妻魏氏年二十一夫亡上奉孀姑撫姪爲嗣姪亡  
又撫幼孫矢志堅貞苦節五十二年

溫秉燹妻張氏年二十四夫亡奉姑撫幼苦節四十二年  
何藏妻李氏年二十八夫亡遺腹生子撫之成人現守節  
三十七年

杜廷揚妻王氏年二十夫亡無子養二女以待其嫁守節  
四十一年

張大緒妻晉氏年十七夫亡撫孤守節三十四年

陳健妻郭氏年二十三夫亡撫孤守節二十三年

李鐸妻張氏年二十三夫亡遺腹生子苦志鞠育翁姑相繼歿遺二夫弟俱幼穉氏并撫養之左右提攜至於成人二弟皆事之如母守節四十三年

李朗懿繼妻衛氏年二十五夫亡孝養翁姑守節四十四年朗姪履長妻王氏二十三而寡守節三十一年

何善妻楊氏年二十六夫亡撫孤成立守志三十年

李門二節李炳妻裴氏年二十五而寡守節五十一年炳

鳳臺縣志

卷之十一

列女

三十

弟堂妻裴氏年二十七夫亡遺腹生女出繼於嫂更爲擇繼承嗣現守節三十一年

朱燮妻郎氏年二十七夫亡孝事翁姑教子成立守節三十八年鄉里表其門曰節孝義

陳緯妻秦氏年二十一夫亡奉翁姑以孝守節三十三年

陳仁元妻司氏年二十三夫亡事姑育子守節三十年元弟仁亨妻牛氏年二十九夫亡奉姑撫繼子成立守節

四十五年

主事霍士渭妻車氏年二十七夫亡撫孤森成人娶妻金

氏森亦死金時二十五歲姑媳同志共守車苦節四十年金現苦節四十五年繼子爲嗣

申永清妻王氏清客死於外氏時年二十九歲撫孤守節三十四年

李門雙節李三捷妻侯氏年二十六夫亡遺孤永錫撫育成人爲娶婦李氏生子甫四歲而永錫又亡氏時年二十七姑媳同心苦志侯守節四十三年李守節三十三年

牛冲斗妻王氏年二十五而寡守節三十八年

鳳臺縣志

卷之十一

列女

三三

安于孝妻李氏年二十五夫亡奉親撫孤守節三十六年  
傅廷相妻金氏年二十七夫亡苦志撫孤守節五十三年  
武榮昌妻崔氏年十九夫亡子幼撫之成人現守節三十二年

王述燾妻王氏年二十六夫亡養姑教子守節三十二年  
孔傳朴妻李氏年二十六而寡守節二十九年

王廷佐妻陳氏年二十五夫亡子幼上有兩世孀姑事親  
撫孤現守節四十二年

王化倉妻崔氏年二十四夫亡奉姑撫孤守節三十六年

趙御倫妻張氏年十九夫亡苦節四十二年

晉子亮妻趙氏年二十一夫亡撫繼子成人守節四十一年

原忠繼妻陳氏年二十八夫亡撫孤苦守四十四年

生員馬王賓妻王氏年三十二夫亡撫孤守節二十七年

司士偉妻秦氏二十八歲夫亡撫孤守志現三十六年

李雲臺妻祁氏年二十七夫亡撫孤守志現四十年

監生常大猷妻崔氏二十五歲而寡守節五十年

秦德詠妻王氏年二十夫亡奉姑撫嗣子守節四十八年

鳳臺縣志

卷之十一 列女

三三一

監生劉丙南繼妻侯氏年二十四而寡撫庶子成人現守節四十六年

牛嘉會妻陳氏年二十八而夫亡善事繼姑撫姪爲子現守節四十一年

成棟察妻丁氏年二十五夫亡撫孤現守節四十一年

時省繼妻趙氏年二十三夫亡撫前妻子現守節四十七年

張履仁妻孔氏二十五歲夫亡養孤撫幼守節三十五年

王錫祿妻李氏年二十三夫亡撫孤守節四十六年

常世仁妻趙氏年十九夫亡無子上事翁姑養生送死克盡其道越二十二載繼姪爲嗣守節四十六年於乾隆四十八年建坊旌表

石維祖祖母劉氏年二十三夫亡苦志撫孤守節五十九年前縣以飲水茹蘗表其門

趙松齡妻張氏年二十夫亡朝夕涕泣迨葬夫畢不食四日而死

劉子德妻李氏年二十六夫亡遺腹生子撫育成人守節三十一年知縣林荔以匾旌之

鳳臺縣志

卷之十一

列女

三三三

張光奎妻李氏年二十一夫亡涕泣數月投繯而死前縣以性凜清霜旌其門

劉芳來妻張氏年二十夫客遊於外生子甫五月家貧苦守上奉孀姑育子成人夫以客死撫柩歸里現守節三十四年知縣林荔以姜操孟訓旌其閭

李貞女幼許字陳玉崑爲繼室未嫁而夫病劇陰陽家有娶妻冲喜之說因備六禮迎女以歸合巹禮未行夫旋亡前氏遺幼子女六人環而泣不知所爲女自製凶服視夫含殮其附身附棺之具胥如儀率兒輩經營喪葬

曲盡哀禮時家無次丁女一力支持門戶待子稍長爲  
延師讀書撫育男女胥能成立完婚嫁自年十七守貞  
至六十四歲而卒鄉人莫不哀之

杜之琰妻趙氏年三十夫亡撫孤守節五十二年

魏玉珍妻李氏年二十八夫亡奉姑育孤守節四十五年

李廣居妻衛氏年十六夫亡生遺腹子撫之成人守節三  
十年

朱宏燦妻石氏夫亡守節三十年

錢益增妻茹氏年二十三夫亡現守節三十年

鳳臺縣志

卷之十一

列女

三四

王輔爵妻任氏年三十五夫亡現守節三十二年

楊克凝妻宋氏妾畢氏夫亡守節撫子成立宋苦志二十

四年畢守三十年先後卒

張維鳳妻趙氏年二十三夫亡守節二十九年

王全義妻王氏夫亡撫繼子現守節三十一年繼子珖亡

妻張氏現守節二十五年

陳文經妻尙氏夫亡守志四十年現年八十三歲

張自立母梁氏年二十一夫亡事翁撫孤守節三十四年

王應奎妻趙氏年二十三夫亡現守節三十九年

武振遠妻成氏年二十八夫亡苦節六十六年

生員馬千里妻武氏年二十二而夫亡矢志不貳上事翁

克盡孝道下撫嗣子訓迪成名守節三十餘年如一日

李景文妻王氏夫亡守節四十年現年七十歲

馬錫杰妻孟氏夫亡守節四十四年八十四歲卒

景舜妻劉氏年二十二夫亡撫孤現守節四十一年

宋文臣妻李氏年二十九夫亡撫孤入庠守節三十四年

王嘉謨妻韓氏霍世科妻王氏生員郝紹芳妻郭氏劉雲

鵠妻趙氏龐士傑妻顏氏郃師尹妻楊氏樊養能妻

鳳臺縣志

卷之十一

列女

三五

氏段絨鳳妻劉氏陳策妻苗氏生員喬民信妻王氏張

嗣昌妻孟氏劉永貞妻韓氏張潤妻孔氏生員趙日章

妻喬氏生員陳英妻翟氏常佩璲妻劉氏苗登雲妻裴

氏申奇遇妻侯氏常友金妻牛氏董濬妻王氏郭名顯

妻魏氏常祿妻李氏關惇懿妻王氏孫肇縱妻盧氏范

才喜妻王氏秦聚璽妻王氏宋池妻張氏董士偉妻任

氏李巡妻張氏丁鐸妻郭氏郭元妻司氏張琨妻衛氏

門大武妻司氏宋文臣妻李氏陳述唐祖母司氏晉成

一妻梁氏宋良弼妾原氏王肇繁妻司氏王榮妻趙氏

孔繼唐繼母閻氏宋奉正妻張氏王海妻陳氏李學書  
妻王氏門永和妻原氏馬洪瑞妻鍾氏張德俊妻陳氏  
郜儒妻李氏陳泰妻王氏李必昌妻張氏范自省妻郭  
氏董洪妻張氏尙錦妻朱氏王起志妻何氏陳善妻古  
氏宋王卿妻關氏姚世興妻李氏宋彩章妻王氏姬得  
臣妻李氏郭雙陽妻閻氏宋璋妻霍氏張時勉妻郭氏  
趙良弼妻申氏王俊奎妻王氏馬雲蛟妻王氏段雲鷺  
妾李氏生員葛秉忠妻馬氏劉宗潤妻趙氏邱弼乾妻  
王氏張宿瑞妻王氏李文臣妻王氏生員董維藩妻孫

鳳臺縣志

卷之十一

列女

三六

氏生員王容妻張氏朱錦妻宋氏陳玉圖妻李氏晉宗

周妻李氏

以上俱  
守節

鳳臺縣志卷之十一終